



Glygge-Zyttig vo de
JOKER WAGGIS

Usgoob 5 - im Jänner 2014

Events


Gmainsam aastosse SYTTE 3



Unter der Lupe

Der Beni


SYTTE 2



Vorschau Fasnacht 2014

s'Programm stoot

SYTTE 3



Vor der Fasnacht 2014

s'Fasnachts-Joor als 1. Heehepunggt!

2013 - was isch das fir e Joor gsi fir d'**JOKER WAGGIS**? Mit seer grossem Ysatz am BaselTattoo, an mänggem Waagebau-Daag oder bim Organisiere vo diverse Aaläss, isch e mänggi Stund in die Glygge investiert worde. Villicht isch jo grad drum der Zämmehalt bi de **JOKER WAGGIS** no aimol mee gwaggse ...

Wo me im Friesummer 2013 das neue Fasnachts-Joor so richtig in Agriff gno het, isch vyyles no in de Stäärne gstande. Nach em Usdritt

vom Patrick, het zerscht emol e Neustruggduurierig aane miesse. Obwool s'Fasnachts-Joor no jung gsi isch, und bi de maischte andere Glygge d'Fasnachts-Gedangge no in de Summerferie gsi wäre, sin d'**JOKER WAGGIS** scho meermols fir Glygge-Sitzige zämmehoggt.

D'Theme sin drogge und miesam gsi: Wie goot's jetz wyter? E neue Waage muess aane? E neue Draggdoor au? E neu Garage? Wie lost sich das finanziere? usw. usw. Doch d'**JOKER WAGGIS** hän sich nit verunsichere loo. Und so isch



Zämme in ai Richtig! Hinte: Stephan, Busi, Stewi, Galli. Voorne: Mathias, Fäb, Beni, Michi.

ains nach em andere in Agriff gno worde.

Der wichtigscht Punggt isch zu däm Zytunggt sicher d'Suechi nach eme neue Waage gsi. Leider het sich das scho bald als ainiges komplizierter erwyse, wie aagno. Erschtens isch in der Region Basel kai Waage uffindbar gsi, wo de Aasprich standghalte hätt. Und zwaitens het me au schnäll miesse feschtstelle, dass e passende Waage ainiges mee koschte wird, als budgetiert. Es het also dringend e Finanzierigs-Leesig aane miesse!

Dangg eme grossziigige Darleehe vo aim Mitgליid vo de **JOKER WAGGIS**, het me sich denn uff d'Suechi nach em gwinschte Waage kenne mache ...

Mit em neetige Glaigäld het me d'Suechi entsprächend kenne erwytere. So isch es au nit lang gange, bis e passends Objägg in Ussicht gsi isch. Nadyrlig het me sich dää Waage nimm loo wägschnappe und so hän d'**JOKER WAGGIS** im Summer

WYTER SYTTE 2

FORTSETZIG

2013 die erscht grossi Hiirde kenne iiberwinde!

No im gliiche Summer het sich de JOKER WAGGIS ganz e spezielli Chance botte. E befrindetet Pfyffer- und Tamboure-Gruppe - d'Basler Källerwäntele Zunft - het aagfroogt, ob d'JOKER WAGGIS sii an ihrem Verpläägigsstand am BaselTattoo wurde unterstizte.



D'Rueh vor em Sturm - der Verpläägigsstand vo der Basler Källerwäntele Zunft und de JOKER WAGGIS wäärend em BaselTattoo im Summer 2013 uff em Basler Kasäärne-Areal

koo. Und so sin d'JOKER WAGGIS also au am BaselTattoo 2013 zum Gspreechsthema worde. Doch nit numme us däm Grund het sich dää Ysatz gloont, au finanziell het e scheene Batze uuse gluegt, so dass s'Darleehe fir e neue Waage bereits wiider het kenne zrugg zaalt wärde.

Doch au nach em BaselTattoo hän sich d'JOKER WAGGIS nit uff der fuule Hut usgruet. Denn numme ai Wuuche speeter het bereits der Waagebau aagfange. Will der Uffbau vo Grund uff het miesse neu baut wärde, isch gnueg Zyt fir der diesjeerig Waagebau



Uffwändig und robuscht baut: Der neu Waage vo de JOKER WAGGIS im Roobau

Scho vor längerer Zyt hän sich d'Källerwäntele um e meeglige Verpläägigsstand bewoorbe und hän jetzt ändlig e positive Bscheid bekoo. Doch der erschte Begaischterig isch bald e glaini Ernuechterig gfolgt - denn mit der Greessi vo däm Stand het me nit grächnet. So sin d'JOKER WAGGIS zur Unterstizig aagfroogt worde. Nadyrlig isch die Chance in der aggtuelle Situazioon grad glääge

yygrächnet worde. Drum - und au wäg de aagnäämere Temperature - isch der Summer derfir ideal gsi.



Waagebau im Summer git amme durscht!

Bis Ändi Novämber 2013 isch der Waagebau denn scho praggtisch abgeschlosse gsi, so dass der Beni - der Waagemooler - ändlig mit Pinselschwinge het kenne aafange. S'Ergääbnis vo all däm Uffwand wird sich am Änd sicher gsee loo. Am Fasnachts-Mäntig vor em Cortège ka me's am Wettstaiplatz perseenlig koo beguetachte, wenn d'JOKER WAGGIS wie allewyyl zem Fasnachts-Apero yllaade ...



Unter der Lupe:

Der Beni

In dääre Rubrigg wird allewyyl ai JOKER genauer voorgestellt. Diesmol het's der Beni troffe.

72stunde: Wie alt bisch Du?

Beni: Ich ha 20 Joor weniger uff em Buggel als der Brad Pitt. Frooge?

72stunde: Wo bisch Du dihim?

Beni: Hinter de 7 Bäрге im Aargau - in Remetschwil. Also ganz wyt wäg!

72stunde: Was machsch Du brueflig?

Beni: Woortweertlig der Doggter an der Uni Ziiri in Rächtswisseschafte. Und sunscht Studänte unterrichte.

72stunde: Was machsch Du in Diiner Freizyt?

Beni: Zyt mit der Frindin verbringe, Waagemoole, Unihockey, Rennvelo faare, etc.

72stunde: Syt wenn bisch Du bi de JOKER WAGGIS?

Beni: Syt 2005, wobyy die erscht Fasnacht aigentlig im 2006 gsi isch.

72stunde: Wie bisch Du zue de JOKER WAGGIS gstoosse?

Beni: Ich ha der friener Oobmaa kennt, und bi au vorhäär amme am Zyschtig mit ihm uff der Gass gsi. Doo het er mi spontan aagfroogt.

72stunde: Was isch Dii spezielli Funggzioon bi de JOKER WAGGIS?

Beni: Alles wo mit Faarbe ztue het und e ruhigi Hand bruucht! Und syt däm Joor neu au s'Väärslibrinzle ...

72stunde: Weeles isch Dii scheenschti Fasnacht gsi?

Beni: Die scheenschti Fasnacht isch allewyyl die Näggscht! Aber generell gsee, het miir s'Sujet "Fasnachtszyt" im Joor 2008 super gfallte.

Grundsätzlich isch e Fasnacht scheen, wenn s'Sujet passt het!

72stunde: Und Dii scheenschts Erläbnis als JOKER?

Beni: Doo git's vyyl. Zämme lache. Sprich mache. Zämme krampfe. Oder wenn me vom Stephan emol gheert: "Beni, hesch guet gmoolt!"

72stunde: Was sin Diini Wunsch fir d'Zuekunft bi de JOKER WAGGIS?

Beni: Dass es wiider bitz ruhiger wird! 2013 isch seer intensiv gsi, das haltsch nit jeedes Joor us. Ich wunsch miir au, dass miir's wyterhii soo guet hän zämme und in dääre Konstellaazioon kenne bliibe.

Vorschau Fasnacht 2014 - s'Programm vo de JOKER WAGGIS


Tradizioonell git's in de "ungraade" Usgoobe vom **72stunde** unsere perseenlige Fasnachts-Fierer. So

hän userei Familie, Frinde und Passive au an der Fasnacht 2014 wiider d'Meegligkait, uns JOKER

WAGGIS hutnoch z'erlääbe. Miir freue uns allewyl iiber e Bsuech vor, am oder nach em Cortège ...

Fasnachts-Mäntig

- 13:30 Uhr**
Start am Wettstaiplatz (35)
- 14:30 Uhr**
1. Pause am Claraplatz (7)
- 15:00 Uhr**
Wyter goot s ...
- 15:45 Uhr**
2. Pause in der Gärbergass (87)
- 16:15 Uhr**
Wyter goot s ...
- 17:00 Uhr**
3. Pause bim Banggverain (67)
- 17:15 Uhr**
Wyter goot s ...
- 17:45 Uhr**
Waageleere am Wettstaiplatz (33)
- 18:30 Uhr**
Waage versoorge
- 22:30 Uhr**
d'JOKER WAGGIS uff der Gass



Fasnachts-Zyschtig

- 14:30 Uhr**
Start am Banggverain
- 18:30 Uhr**
Ustusch Binggis- / Bar-Wäägeli
- 19:30 Uhr**
Nachtässe am Rümelinsplatz
- 21:00 Uhr**
Birsig-Sinfonie bi der Draischiiibe
- 23:30 Uhr**
d'JOKER WAGGIS uff der Gass

Fasnachts-Mittwuch

- 13:30 Uhr**
Start am Wettstaiplatz (42)
- 14:15 Uhr**
1. Pause bim Banggverain (62)
- 14:30 Uhr**
Wyter goot s ...
- 15:00 Uhr**
2. Pause in der Freye Strooss (68)
- 15:30 Uhr**
Wyter goot s ...

- 16:15 Uhr**
3. Pause in der Utegass (4)
- 16:45 Uhr**
Wyter goot s ...
- 17:15 Uhr**
Waageleere am Wettstaiplatz (33)
- 18:30 Uhr**
Waage versoorge
- 22:30 Uhr**
d'JOKER WAGGIS uff der Gass
- 04:00 Uhr**
d'JOKER WAGGIS am Ändstraich

Gmainsam aastosse

Nadyrlig git's au rund um d'Basler Fasnacht 2014 wiider die aint oder ander Meegligkait mit de JOKER WAGGIS aazstosse! Miir freue uns bereits doo druff!



08. Meerz 2014

Zem zwaite Mol in folg findet 2014 unseri Waage-Yyweihig statt. Ab 16:00 Uhr trifft me sich an der Gartestrooss in Birsfælde.

10. Meerz 2014

Ab 12:30 Uhr wird no e wyters Mol am Fasnachts-Apero zämme aagstosse, bevor's denn um 13:30 Uhr ändlig uff d'Route goot ...



S'git ebbis z'gwinne ...

Au in dääre Usgoob ka me wiider ebbis gwinne! Diesmol git's die brandneu silbrigi Basler Fasnachts-Blaggede fir die schnällscht Antwoort ...

Folgende Froog hän miir also fir Dii parat:



D'Blaggede 2014 mit em Sujet: "Gäll, blyb sauber"

Der Beni isch jo bekanntlig unsere Waagemooler - doch wäär weiss, in weelem Joor er zem erschte Mol mit de JOKER WAGGIS Fasnacht gmacht het?

Dii Antwoort schiggsch bis speeteschtens 31. Jänner 2014 per Mail an:

redaggzioon@joker-waggis.ch

Miir winsche vyy! Gligg!